

A2<sup>r</sup>

F. Joachimus Mül-  
ler Conuentual zů den Einfylden  
an den gůthertzigen Lefer.

ES ift/ freundlicher lieber  
Lefer/ vor wenig Jaren durch den  
Ehrwürdigen vnnd hocherfarnen  
Herrn Vlrichen Wytwyler/ difer zeit  
Decan vnnd Pfarrer des lůblichen  
Gotshauß Einfylden/ das leben des heiligen Mår-  
teres Meinradi im Truck außgangen. Dieweyl a-  
ber jetzo mangel an folchen Hiftorien worden/ hat  
fie der Hochwürdig in Gott Fürft vnd Herr/ Herr  
ADAM Abt dafelbft/ mein gnediger Herr/ wide-  
rumb zutruckē befolhen. Damit es aber ein rechts  
zimlichs handbüchlein wurde/ hat es mich für gůt  
angesehen/ daß ich noch etwas weiters darzu fatz-  
te. Hab derhalben/ dein andacht vnd Chriftlichen  
eyfer zů der heiligen Walfatt vnfer lieben Frawen  
zufůrdern/ die Hiftorien vnd marter der vberigen  
Patronen des obgenanten Gotshauß/ als nemlich

A ij S. Mau-

A2<sup>v</sup>


---

S. Mauritzen vnnd feiner Gefellſchafft/ S. Sig-  
munds Königs auß Burgund/ S. Jufti des neun-  
jårigen knaben/ S. Gerolds Herzogen auß Sachſ-  
ſen/ vnnd S. Wolfgangs gewefnen Dechan vnnd  
Conuentual zũ Einfyden/ darnach Biſchoff zũ  
Regenſpurg/ zũ S. Meinrats Legend gefetzet.  
Seind gleichwol der Hiftorien wenig/ aber alfo  
fruchtbar vñ voller Exempel eines from̄en/ Chriſt-  
lichen vnd tugentfamen lebens/ daß/ wer ſie mit  
fleiß vnd ernft liſet/ oder hõret/ billich zur frõmkeit  
vñ Gottfeligem wandel geraitzt foll werden. Dañ  
in difem kleinen Bũchlin haben die Prelaten/  
Priefter vnd Geiftlichen/ fo ſich Gott ergeben/ für-  
nemlich an S. Wolfgang vnnd S. Meinrad zuler-  
nen/ wie ſie jre ſchãflin waiden/ denſelben in Chriſt-  
lichem vnnd Gottfeligem wandel vorgehn/ vnd in  
heiligkeit vnd gerechtigkeit vor Gott wandlen fol-  
len. Es kan ſich auch die Oberkeit/ vnd die fo an-  
dern vorftehn/ an S. Sigmund dem Künig vnnd  
Hertzog Gerolden erfehen/ wie ſie jhren vndertha-  
nẽ mit gũtem exempel vorgehen ſollen. Die Eltern  
werden durch S. Meinrats vnnd S. Jufti Eltern  
Exempel

A3<sup>r</sup>

Exempel vnderricht/ wie sie ihre Kinder von jugent  
 an nit zu weltlicher vppigkeit/ fonder zur Gottes  
 forcht vnd frömbkait ziehen sollen. Hergegen hat  
 die jugent auch/ daß sie nach S. Meinrats/ S. Sig-  
 munds/ vnd S. Jufti kindheit/ das joch des Herren  
 lernen von kindswefen an tragen/ vatter vnd müt-  
 ter in allem gütten gehorchen/ auch jhnen reuerentz  
 vnd ehr erzaigen. Die Kriegßleut habē den Haupt-  
 mann S. Mauritzen mit feiner gefellchaft/ in wel-  
 cher füßtapffen sie tretten sollen/ niemand belay-  
 digen/ an jrem sold begnügt sein/ das gilt nit lieber  
 dan Gott haben/ fonder/ so bald es wider den Ca-  
 tholifchen Glauben/ wider Chriftenliche frid/ ainig-  
 keit vnd gerechtigkeit geht/ behend vom kriegē ab-  
 ftehn. Sumā es hat jederman/ jung vnd alt/ reich  
 vñ arm/ weiß ftands er sey/ hie gnüg zulernen/ auff  
 was weis er sein leben Chriftlich vnd wol anstellen  
 solle. Bitt dich gũthertziger Lefer/ wölleft dife mein  
 kleinfüge arbeit im besten auffnehmen. Dich  
 hiemit Gott vnd seinen lieben  
 heiligen befehende.

A3<sup>v</sup>

Dem güthertzigen Chriftlichen Le-  
 fer/ zů fürderung feines Chriftlichen fürnem-  
 mens/ wüncft F. Huldrich Wytwyler Con-  
 uentual vnd Pfarrer zů Einfylden/ die genad  
 Gottes/ vnd vil glück vnd hayl.

ES foll dich/ Chriftlicher lieber Lefer/ nit  
 wunder nemmen/ warumb die alt/ allgemain  
 heilig Chriftlich Kirch/ neben vnd bey dem wort  
 Gottes/ auch das leben vñ thaten der Heiligen/  
 den Menfchen zu einem Exempel/ recht Chriftlich vnd  
 Euangelifch zu leben vnd nach zu folgen/ fürftellt: Dann  
 fie dardurch im fteiffen waren Glauben beueftiget/ in fte-  
 ter hoffnung gesterckt/ in der liebe Gottes angezindt/ vnd  
 zu bekörung auch befferung jhres lebens geführt worden.  
 Das bezeugen des alten vnd neuen Testaments Gots-  
 fürchtige fromme Perfonen/ welche in der zeit der not vnd  
 trübfal/ anch kleinmütigkait/ zu fterckung vnd troft/ die  
 Exempel der alten Patriarchen/ vnnd Propheten einge-  
 führt vnnd fürgefellt haben. Also lefen wir/ daß Ju-  
 dith die verzagten Priefter des alten Gefatz ermanet hat/  
 wie fie follten das gemain Volck tröften/ vnnd jhnen die  
 alten Vätter/ Abraham/ Jfaac/ vnd Jacob fürhalten.  
 Also het auch der vnuerzagte Mathatias feine Sün ge-  
 tröft/ fie follten ingedenck fein der redlichen Thaten der  
 Eltern/ wie fie fich nemlich gehalten haben/ zur zeit der  
 anfechtung. Der Weyßmann befchreibt die herrlichen/ ehr-  
 lichen vnd berühmten thaten der alten Vätter/ ohn zwey-  
 fel den nachkömlingen zur vnderweifung vnnd ebenbild.

Ja

A4<sup>r</sup>

Ja Chriftus felbs helt feinen Jüngern für die abgetorb<sup>n</sup>nen Propheten/ die auch verfolgt feind worden. S. Ja<sup>c</sup>obus der Apofitel ſpricht: Nemmet zum Exempel des bö<sup>n</sup>fen außgangs/ vnd der langmütigkait/ vnd der arbeit/ vnd der gedult/ die Propheten. S. Paulus beſchreibt auch das leben vnd die thaten der alten Vätter/ vnnd was die Heiligen vmb des Glaubens willen erlidten haben: mel<sup>d</sup>et vnder andern/ daß etlich feyen vmbher gangen in Schaf heuten/ vnnd Gaißfellen mit mangel/ mit angft/ mit quelung/ deren die Welt nit werth war/ 7c. Will auch/ wir follten feine nachfolger fein/ wie er Chrifti nach<sup>f</sup>olger gewefen.

Dieweil nun dife/ fo felbs ein rechts warhafftigs E<sup>b</sup>enbild der menſchen gewefen/ vnnd derhalben ſich felbs wol hetten mögen zum Exempel darftellen/ vnd aber doch andere/ fo vor jhnen im alten Gefatz gelebt/ zu troft/ ſter<sup>c</sup>ckung vnnd befferung fürgefellt. So wirdts/ meines er<sup>a</sup>achtens/ zu difen vnfern betrübten vnnd verfürifchen zei<sup>t</sup>ten noch vil mehr vonnöten fein/ daß wir der heiligen/ fromen/ alten Gottes diener (fo nach dem neuen Euan<sup>g</sup>elifchen gnadreichen Gefatz gewandelt) thūn vñ laffen/ leben vnd ſterben für augen ſtellen/ vnd vns/ als in einem klaren ſpiegel/ dariñ erfehen. Dann gewißlich findt man bey jhnen ein rechte ware form Euangelifch zuleben.

Dermaffen aber haben die lieben Heiligen/ durch Gottes hülf/ jhr leben volführt/ wie dann klärlich in di<sup>f</sup>er S. Meinrats auch anderer heiligen Hiſtorien zuſehen/ daß ſie wol gewißt/ es fey ein rauher harter weg/ der da zur feligkeit führt/ Vnnd das Reich GOTTES muß durch vil trübfal erlanget werden. Sie haben ſich nit bere<sup>d</sup>en laffen/ daß es gnüg fey am wiffen/ fonder wie Chriftus

A4<sup>v</sup>

sagt: So jhr dife ding wiffet/ felig werdet jhr fein/ fo jhrs  
 thûn werdet. Item am zuhören fey es nit gelegen/ fonder  
 Selig feind die/ welche das wort Gottes hören/ vnd daß  
 felbig behalten vnnd volbringen. Item am fagen vnnd  
 fchwetzen nit/ fonder: Der da thût den willen meines Vat-  
 ters der im Himmel ift/ der wirdt ingehn in das Himmel-  
 reich. Dann das lob vnd die ehr der tugent fteht nit in der  
 erkantnuß/ fonder in der würckung. S. Paulus fpricht:  
 Sie preyfen Gott in mir/ Vnd Daud: Lobet Gott in feine  
 heiligen. Wie kan man aber Gott in feinen heiligen loben  
 ehren vnd preyfen/ fo nichts von jhnen weder mündtlich  
 noch fchriftlich anzaigt/ vnd derfelbigen gedächtnuß bey  
 vilen nit mehr gehalten wirdt? So doch die heilig fchrift  
 klårlich beweißt/ daß der gerechten gedächtnuß werd in  
 ewigkeit bleiben/ vnd verkündt werden/ dañ ob gleich jh  
 re Leiber im friden begraben/ fo leben doch jhre Namen  
 ewiglich/ dann fie feind in das Bûch der lebendigen ein  
 gefchriben/ derhalben follen alle völker jhr weyßheit ver-  
 künden/ vnd jhr lob die gantz Gemain.

Auff das nun Gottes lob vnd ehr gemehret/ vnd fei-  
 ne vnaußfprechliche gnaden vnd wunderwerck/ fo er in fei-  
 nen heiligen erzaiget/ geoffenbaret/ auch damit wir vn-  
 fer leben defter bas richteten/ vnferer mängel/ gebrechen vn-  
 vnuolkommenhait erckenneten/ recht Euangelifch lebten/  
 vnnd den Glauben mit gûten wercken zierten/ auch endt-  
 lich zur befferung vnfers lebens gefûrt wurden: So ift  
 der Hochwürdig Fürft/ mein gnediger Herr/ Joachim  
 Abt des Gotshauß Einfylden/ auß Göttlicher lieb vnnd  
 eyfer/ auch zû nutz vnd wolfart der gûthertzigigen Glaubi-  
 gen Chriften bewôgt worden/ abermals S. Meinrats  
 des



B1<sup>v</sup>

Gottes an solchen Walltetten nit lenger bleibt/ auch Gott  
alda nit lenger würcket/ dann so lang das haimfuchend  
volck in rechtem wahren steiffen Glauben/ in Gotsforcht  
vnd in der liebe Gottes sich fleißig schickt vndd helt. Der  
halben wann vnser Chriftenliche vorötern zu einem Hei-  
ligen gewalfartet/ haben sie sich nit im sehen der Capellen  
vnd Münster (wie jetzt etwan geschicht) benügen lassen/  
sonder Got vnd dem Prierter gebeichtet/ auch mit groffen  
ernst vnd andacht dar zu vnd daruon gangen/ sich innig-  
lich gefrewet vnd getröft der groffen gnaden vnd Ablaß/  
so die büßfertigen alda erlangen.

Letzlich/ zu einer warnung/ ist nit minder/ wa solche  
heilige walfätt oder walfarten nit in zucht vnd ehr gehal-  
ten werden so kan Gott die gnad beweyfung so er sonder-  
baren walfätten geben/ wol entziehen/ vnd dargegen an-  
dere ort vnd walfätt feiner begnadung auffrichten/ wie  
oftt mehr geschehen/ wann er erzürnet ward vber die/ so in  
Sünden verrücktlich eroffen/ vnd feine heilige walfätt  
verachteten. Wieuil heiliger walfätt feind in Asia/ Africa  
vnd Europa gewesen/ da Gott groffe zeichen gewürckt/  
die all zergangen/ vnd Gott sein Gnad von dannen entzo-  
gen/ vmb jhres lawen zänckischen Glaubens vndd Gott-  
lofen wesen willen? Welche stuck layder bey vns Teutfchē  
auch vberhand nemmen. Dann wem ist doch nit willend/  
wieuil vndd groffer verachtung/ vnehr/ vnzücht/ trutz/  
mütwillen/ ꝛc. den heiligen walfätten bewifen wirdt:  
Wie aber Gott solcher verpötter/ verachter/ vnehrer hei-  
liger Walfätten vndd Bettheufer getroffen hab/ ist me-  
niglich in der heiligen Schrift hin vndd wider gnügflam  
kund vndd offenbar/ als 1. Reg. 5. vndd 6. Pfalm. 78.

Efa.

B2<sup>r</sup>

---

Efai. 63. vnd 64. Ezech. 22. vnd 25. Daniel 11 Aggei 1.  
vnnnd 2. Malach. 1. Matth. 21. Marci 11. Luc. 19. Jo-  
han am 2.

Darumb laffet vns nit jrren/ Gott laßt sich nit betrie-  
gen/ dann alle ding biß auff fein zeit. Dann hat Gott den  
Juden nit verfhonet die fein außewölt Volck vnd zame  
fchoß zweig waren/ wieuil weniger wirdt er vnfer (wann  
wir vns nit bekören) verfhonen/ die er vns als wilde  
fchoßzweig auß erbarmnuß in fein gnad angenomē vnd  
gepflantzet. Diß foll von mir der Chriftlichen mainung  
verftanden vnd empfangen werden/ in deren ich es gethan  
hab. Hiemit Chriftlicher Lefer vnnnd andächtiger Bilger  
wölle dich GOTT in feinem fchutz vnnnd fchirm bewaren/  
vnnnd laß mich in deinem gebett gegen Gott befolhen  
fein. Datum zů Einfyden/ auff S. Johannis  
vnd Pauli der heiligen mårierer tag/  
im Jar nach Chrifti Ge-  
burt/ 1567.